



**Les Fleurs Des Vies Des Saints Et Des Festes De Toute
L'Annee, Svivant L'Vsage Dv Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromee, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

xi Des ss. Martyrs, Nabor & Felix.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

II.
IVIL.
LET.

ieurs choses fort vtilles à la sainte Eglise. Il imposa de grosses peines aux Prestres, qui se rendoient negligens d'administrer le tres-saint Sacrement del'Autel, & contre ceux qui se pariu-ent sciemment, ou qui les entendent, & ne les reprennent pas. Il commanda que les domaines des Eglises fussent inalienables, comme estans dediez pour faire le seruice diuin, & entretenir les personnes Ecclesiastiques. Il voulut qu'on ne consacraist les vierges qui font profession de perpetuelle continence, iusques à ce qu'elles eussent atteint 45. ans. Il fit vn decret, par lequel il commanda que la feste de pasques se celebraist tousiours au Dimanche, à cause que nostre Redempteur Iesus-Christ ressuscita à pareil iour, ce qui auoit premierement esté ordonné par les Apostres, mais pie le confirma & establi, pour oster l'abus de certaines Eglises qui sembloient imiter les Iuifs en la celebration de la feste de pasques. A quoy il fut poussé par vn liure qu'un sien frere, homme de bien, nommé Hermes, luy presenta, auquel par forme de dialogue entre luy & vn Ange en habit de pasteur, il admonnestoit tous les Chrestiens de solemniser la sainte Resurrection au iour de Dimanche. pie consacra à Rome les Termes Nouaciennes en l'honneur de sainte potentiane, par l'intercession de sainte Nilaxede sa sœur. Il dota l'Eglise de plusieurs riches dons, & y celebra la Messe à diverses fois, & y mit des Fonds pour baptiser, où il en baptisa bon nombre de ses propres mains. Il escriuit des Epistres qu'on trouue avec ses decrets au liure des Conciles. Outre lesquels il en escriuit deux à Iuste, ainsi que l'on presume, Euesque de Tiene. En l'une il dit ces mots:

Ayez soin des corps des saints Martyrs, comme des membres de Iesus-Christ, ainsi que les Apostres en prirent du corps de saint Estienne. Visitez les Saints es prisons, de peur que personne ne s'attiedisse en la foy, ains que vous les reschauffiez & animiez de continuer. Que les Prestres & Diacres vous respectent & honorent, non en qualité de superieur, mais comme ministre de Iesus-Christ. Que tout le peuple se repose, soit à l'abry, & defendu par vostre sainteté. Je veux bien que vous sçachiez, mon tres-cher compagnon, que Dieu m'a reuelé la fin des iours de ma peregrination qui s'approche. Je vous prie seulement d'estre ferme en l'union de l'Eglise, & de ne m'oublier point. Tout le Senat & pauvre compagnie des Prestres & Ministres de nostre Seigneur Iesus-Christ qui est à Rome, vous saluë, Je me recommande à tout le College des freres en nostre Seigneur qui sont avec vous. Saint Pie descouure en ceste Epistre son zele, & l'esprit & sollicitude celestialle dont il gardoit les choses de l'Eglise.

Finalemment apres auoir saintement gouuerné l'Eglise de Dieu, selon Baronius, neuf ans six mois, trois iours moins, il receut la couronne du martyre (encores que les autres ne s'accordent pas des années de son pontificat) il tint cinq fois les Ordres au mois de Decembre, où il fit douze Euesques, 18. prestres, & 21. Diacres. Il fut enterré au Vatican. L'Eglise celebre sa memoire le 11. de Iuillet, qui est le iour qu'il mourut, l'an soixante & sept sous l'Empe-

re de Marc Aurelle, & Luce Vere.

A Rome fut couronné du martyre S. Pie Pape successeur d'Hygine, durant la persecution d'Antonin. A Nicopolis ville d'Armenie, les saints Iannier & Pelagie furent tant tourmentez sur le cheualer par les Ongles, & sur les pieces des ports cassés l'espace de quatre iours continus qu'ils y finirent leur martyre. Au territoire de Sens deceda S. Sidrome martyr. A Cologne S. Marcián, lequel sous le Presidēt Perennius passa par plusieurs tourmens pour obtenir la palme du martyre. A Side ville de Pamphlie S. Cinde Prestre ayant esté griuement tourmenté & puis ietté au feu, sous l'Empereur Diocletian, & le Presidēt Stratonique, n'en receut aucun dommage, & puis s'ellant mis à prier, rendit son ame à Dieu. A Bergamo ville de Lombardie, S. Iean Euesque pour auoir defendu la foy Catholique, fut mis au sacre par les Ariens. A Cordoue, sainte Abondie Prestre, prechant contre la secte de Mahomet, fut couronné du martyre. A Rauenne trepassa S. Datb Euesque & Confesseur. En Prusse S. Sabin Confesseur. A Hierapolis sainte Colinduce, laquelle a fait plusieurs miracles.

DES SAINTS MARTYRS,
Nabor & Felix.



Es saints martyrs, Nabor & Felix, fut ét pris à Milan par le commandement de l'Empereur Maximian (qui estoit vn grand persecuteur de la foy de Iesus-Christ, aussi bien que l'Empereur Diocletian son compagnon, ayans esté examinez & recognez Chrestiens, & qui le vouloient estre toute leur vie, il les fit emprisonner, defendant expressément qu'on ne leur donnast à manger.

Les Saints demurerent quelques iours en la prison supportas la faim, & l'infection, & autres incommoditez du lieu. Neantmoins cela ne pouant les esbranler en leur resolution, il les fistotonner en sa presence; & mettre Nabor à la gehenne deuant Felix, auquel on brulloit les costez avec des flambeaux ardans, & on luy delchiqetoit toute la peau avec des ongles de fer. Voyant que non obstant tout cela les Saints demeuroient cōstans, & que ny l'un avec les tourmens qu'il souffroit, ny l'autre qui y assistoit avec la peur des tortures qu'on luy pouoit bailles, ne flechissoit aucunement, il les fit ietter tous deux dans vn grand feu, lequel ne les brusta, ny grilla vn seul de leurs cheueux. Cela ne fut pas suffisant pour faire recognoistre au tyran la vertu de nostre Seigneur Iesus-Christ, & se destourner de sa mauuaise volonté; au contraire, il s'en endurcit dauantage, attribuant à l'art Magique les miracles du Ciel, & les fit reconduire en la prison, & quelques iours apres il leur fit trancher la teste apres d'vn ruisseau nommé Celere. Vne noble matrone appellée Sabine enterra leurs corps.

L'Eglise celebre leur feste le iour de leur martyre le douziesme iour de Iuillet, qui fut l'an de nostre Seigneur trois cens trois, sous l'Empire de Diocletian & Maximian. Saint Ambroise fait mention de ces saints, & paulin en la vie du mesme saint Ambroise, dit que l'E-

glise où leurs corps furent enterrez, estoit fort frequentée des Chrestiens.

LA VIE DE SAINT JEAN GALBERT,
Abbé, fondateur de l'Ordre de Valom-
breuse, Confesseur.



E mesme iour douziesme de Iuillet, l'Eglise fait commemoration de saint Iean Galbert Abbé, lequel nasquit à Florence, de nobles & riches parens, & se conuertit de la vanité du siecle à la perfection Euangelique, par vn notable accident qui luy arriua en ceste sorte. Saint Iean auoit vn pere qui portoit le mesme nom de Galbert, braue & vaillant soldat, il auoit querelle avec vn autre qui auoit assassiné vn sien parent, auquel il en vouloit faire autant pour s'en vanger, & Iean se conformoit à la volonté de son pere, & alloit le mesme train. Vn iour venant à Florence avec vn sien seruiteur, tous deux bien armez, il rencontra par hazard ce sien ennemy desarmé, en vn passage si estroit, qu'il ne luy pouuoit eschaper. Ce pauvre homme tout esperdu se ietta aux pieds de Iean, & le supplia humblement pour l'amour de Iesus-Christ crucifié deluy pardonner. Iean fut tellement attendry du nom de Iesus-Christ crucifié, qu'il releua soudain son ennemy de terre, l'embrassa, & luy remit son tort, disant: qu'il pouuoit bien estre assure, puis qu'il auoit pris vn si bon patron & Aduocat.

Cela fait, ce pauvre homme s'en alla tout consolé: Iean poursuiuit son chemin, & entra en vne Eglise qu'il rencontra, où il fit sa priere deuant vn Crucifix; & pour monstrier combien nostre Seigneur Iesus-Christ agrée les ceuures que nous faisons pour l'amour de luy, specialement quand nous pardonnons les iniures, ce Crucifix baissa la teste vers Iean, comme en le remerciant du seruice qu'il luy auoit fait, de donner la vie à son ennemy pour l'amour de luy, Iean demeura tellement confus de ceste faueur & recognoissance de nostre Sauueur & Redempteur Iesus-Christ, qu'il pensa estre par là inuité à choses plus grandes, de sorte qu'il se resolut de faire banqueroute aux vanitez du monde, & embrasser tout nud nostre Seigneur Iesus-Christ crucifié. A ceste fin il demanda à l'Abbé de saint Miniat de Florence, l'habit de saint Benoist, lequel il receut avec grande deuotion, encore qu'au commencement il eut beaucoup de contradictions & menaces de son pere. Portant l'habit de Religion, il mit peine d'estre vrayement Religieux: il maceroit sa chair & son corps par des ieunes & veilles continuelles, fuyoit l'oisiveté, mere de tous les vices, s'employoit iour & nuict à l'oraison seruente & perpetuelle, à l'obedience, à l'humilité, à la patience, à la mansuetude, au silence, à la modestie, & es autres ver-

tus, seruant à vn chacun de modele & exemple de toute saincteté. En sorte que l'Abbé du Monastere estant mort, tous les Religieux ietterent les yeux sur Iean pour le faire eslire leur Prelat: mais son humilité estoit si grande, qu'il ne le voulut iamais permettre, ayant mieux obeyr que commander, & fuyr le danger auquel s'exposent ceux qui sont es hautes charges & dignitez. Il sortit du Couuent avec vn compagnon pour aller chercher vn autre lieu où il peust seruir Dieu plus à recoy, parce qu'on l'inquieroit fort là où il estoit: son compagnon ne porta qu'vn pain pour les nourrir tous deux par le chemin, encore il le fit donner par aumosne à vn pauvre, se confiant à nostre Sauueur & Redempteur Iesus-Christ qu'il les pouruoyeroit, comme il fit: D'autant qu'en passant par vn bourg, ils trouuerent plusieurs personnes qui les secoururent, & leur donnerent suffisamment de tout ce dont ils auoient besoin. Il alla au desert de Camaldule institué par l'Abbé saint Romuald: & encore que les Religieux de ceste sainte maison le cōuassent de demeurer avec eux, il passa outre, ayant mieux viuere en communauté, & sous l'obedience, que d'estre solitaire & à part, parce que nostre Seigneur Iesus-Christ se vouloit seruir de luy en vne autre chose, & le faire fondateur d'vne nouvelle Congregation en vne vallée, laquelle à cause de l'espaisseur des arbres s'appelloit Valombreuse, ou Ombrageuse, qui est en la Prouince de Toscane en Italie. Saint Iean vint en ce lieu par inspiratiō diuine, & y fit sa demeure: la renommée de ses vertus s'espandit peu à peu, & plusieurs personnes y accoururent pour le visiter, & imiter sa sainte conuersation, & viure sous son gouvernement, & en sa discipline: De maniere qu'il s'y fit vn grand Monastere remply de plusieurs Religieux de l'Ordre & Regle de saint Benoist (encores qu'il y eust quelques ordonnances & constitutions particulieres) lesquels esleurent saint Iean Galbert pour estre leur Abbé malgré luy. Ce fut vne chose merueilleuse comme il se porta excellemment en ceste charge, exhortant tousiours ses Religieux à la perfection, les deuançant tous par son exemple. Son oraison estoit fort continueuelle, son humilité profonde, sa charité ardente, sa patience estrange, sa penitence rigoureuse. Il estoit doux, benin, graue, modeste, seuer aux rebelles, suau aux foibles, & complaisant aux malades. Car Dieu luy enuoya vne rude maladie, qui luy dura toute sa vie, d'vne foiblesse d'estomac, avec des esuanouyssemens, (ce qu'il supporroit gayement) afin qu'il eust compassion de ses enfans. Il fut fort ialoux en son particulier de la sainte pauvreté, & enuets ses Disciples, & en la fabrique de plusieurs Monasteres qu'il fit bastir. Il auoit le don de Prophetie: l'on eust dit qu'il lisoit dans les cœurs de ceux qui venoient prendre son habit, & scauoit si leur vocation estoit de nostre Seigneur Iesus-Christ, ou non. Il fit de grands miracles, guairissant plusieurs personnes de diuerses & dan-

12.
I VII.
LET.